

北京圖書館出版社

第一册 北京图藏

北邊十世 十一世

加祖詳明 十一世

係碩一書

北邊十世

肅宗丁巳九月

合刊

北京圖書館編

北京圖書館藏

家譜叢刊民族卷

第 69 册

北京圖書館出版社



迎日鄭氏會寧派譜序

譜者有家之史也史之闕文猶可憾焉況譜之爲血統史乎凡人之生身存名存及其身歿則苟無史之可書名將湮焉而不爾焉者惟譜是賴且使子孫開卷見祖宗之諱則懷然若奉祖宗之身而油然出愛敬之心益敦雍睦譜之有補於彝倫之教尤何如哉我東檀箕之世固鮮文獻之足徵自羅濟至麗季闢九夷之陋而荆道學淵源之祖者惟我先祖國隱先生也文廟之所享士林之所宗宜其子孫昌大燁燁俱爲國中巨室乃以先生之玄孫罹于土禍被謫遐荒爲我落北第一世者惟奎徵處士公也嗚呼以天地之大也而己有所憾焉者也由是子孫留爲會寧之族會距京師二千里與南中門族渺隔且十餘世於先蹟尤昧昧焉故於前日脩文忠公派譜也處士公及其

子通訓公之諱與表德混莫之辨既失考據因案昭穆事出乎
苟且傳疑則其在祖宗血統之緒子孫良心之疚神人畜憾奚
但以史之闕文比哉幸天不欲使大德之后永置失倫之科啓
衷乎姜栗溪先生必東著於野史蓋其野史即先生家十世繼
述也韓子所謂地誌字書族氏山經無不備載一方人士有疑
必稽昭然可徵矣於是派譜之舉寧可畧刻緩也實主其事者
錫佐潤學鎮岐其人也功將訖問序於余余於是乎拏筆書之
曰海東偏邦貴吾氏鄭者以有我圖隱先生出也先生之先有
曰滎陽公諱襲明文章忠節炳于麗史先生之子有曰司藝公
諱宗本乃奎徵處士曾祖也處士諱源初諱混子通訓諱虔我
會寧郡青衿案第一員字曰欽露也通訓公子諱仲轅初諱曰
麟祥也至諱餘慶號曰清軒以壬辰功 贈兵議享顯忠祠自

後小大科宦僅破北之天荒抑亦先蔭攸暨耶嗚呼易窮則變
變則通數百年血統未釋之憾乃釋於滄桑改易之日豈我
先祖之靈其有陰騭乎天氣之自北者耶詩云無念爾祖聿修
厥德吾將見僉族氏之益有所勉矣乃若斯譜之完也猶俟乎
大同而無憾也丁卯冬奎徵處士公十三世孫甲默謹序

重祖敦宗莫良於譜而或者閤閤不甚著顯相距極爲遼遠一
再見漏則其爲路人也甚易謹按族人秉鎬潤默所爲會寧同
宗派譜叙則會鏡之派寔吾文忠公立孫諱灝因士禍流入無
疑而其爲漏譜不止一再是曷故焉吾鄭之播在八路咸北最
遠距京師二千里修譜之役每自圻湖時月竣工而古無有郵
便電信汽輪之迅駛可以朝暮相知則遠地單子安能保其趁
時收單裹足上來無失機會耶雖十見漏不害爲吾同祖之孫

也然於甲寅役先人所傳疑而未加詳焉系上續下猶未免苟
且者今不可造次變更則宜其姑爲派譜精實攷據以爲後日
大同譜發議時藉手之端計莫良於此也戊辰春龍仁族人前
叅書斗和謹書

凡例

一今此譜役起例立條一遵大譜舊規事

一惟我入北祖事蹟譜文踈略無足徵之裔孫益大履九兩宗慨然有志乎斯而以號識諱暨乙丑釐正譜時間關千里徒涉上京則業已竣工未及續錄僅授前府使諱亮采觀采兩宗耆舊之下疑文而歸派譜之作始於此其報本追慕之誠能使後之人有所興感姑記顛末以示來世焉

一甲寅譜時鏡城鎮喬以下疑文所載年代錯誤系之于諱文輔之下亦不無疑焉今按姜栗溪野史而正誤

禮叅公諱禮忠之子諱灝奎徵處士 仁宗乙巳士禍公年七十六被謫于鍾城乙卯徙于會寧暨其子諱虔 仁宗乙巳亦因士禍之連累全沒家產杖流于會寧當時公家之慘

禍尙何忍焉哉今採而錄之

一文忠公後裔例當共譜而事巨力綿有所不逮故只以入北
奎徵處士公之裔爲派譜

一舊本凡例及舊書跋一切并載于卷首以今新作之序跋爲
編書之始終

一名單收錄之規一從舊例事

迎日鄭氏世譜目錄

卷首

新羅六部受姓事蹟

貫鄉

滎陽公遺稿

行錄

文忠公行錄

有文集
不錄遺稿

列聖褒崇之典

一時諸賢寄贈之語

後來諸賢贊述之語

乙亥本譜系考誤

己丑本滎陽稱號

二家姓譜考證

先世舊鄉

迎日墓壇事蹟

永川墓所事蹟

龍仁墓所事蹟

教授公諱虔遺稿

舊譜凡例

舊譜序

舊譜跋

分派圖

源派錄自一代至十一代

迎日鄭氏世譜卷首

新羅六部受姓事蹟

新羅儒理王

新羅三王世
漢建武間

九年

壬辰

春改辰韓六部之名各賜姓李

崔孫鄭襄薛辰韓第四觜山珍支部其長曰智伯虎初降于花

山至是以珍支爲本彼部姓鄭

高麗太祖時
爲通仙部今

改六部以本彼
府東柴巴等村
蓋

山南之鄭其得姓之初當在於此

東京志
庚子補入

按辰韓時天降六大人分長六部一曰闕川楊山部其長謁

平初降于瓢巖峰二曰突山高墟部其長蘇伐都利初降于

兄山三曰茂山大樹部其長具禮馬初降于尼山四曰觜山

珍支部其長智伯虎初降于花山五曰金山加利部其長祗

沱初降于明活山六曰明活山高耶部其長虎珍初降于金

剛山漢宣帝五鳳元年甲子珍支部長智伯虎與楊山高墟

等五部長共立新羅始祖朴赫居世爲王六部長皆爲開國

功臣儒理王九年壬辰改部名各賜姓以珍支爲本彼賜智

伯虎姓鄭封樂浪候

出東史
○新増

貫鄉

慶尙道延日縣

在慶州東北八百里濱海距京都八百里

(建置沿革)縣本新羅斤烏支

良一作烏

景德王時改臨汀爲義昌

郡領縣高麗改今名顯宗屬慶州

出輿地勝覽

(郡名)斤烏支 臨汀 烏川

有水名烏川在其地故號烏川

(姓氏)鄭 成 周

(人物)高麗鄭襲明 鄭夢周 鄭思道

(樓亭)寅賓堂

(古蹟)日月池

新羅阿達王時東海濱有人夫曰迎烏郎妻曰迎烏女一
日迎烏採藻忽漂至日本國小島爲王女尋其夫至其國

爲妣是時新羅日月無光日者奏云迎鳥迎鳥曰我到之
今去日本故有斯惟王遣使者求二人焉迎鳥曰我到之
言而祭之以細鳥所織綃付之令里此祭天使者來奏如其
言也乃於池上月復光遂藏綃於御庫因名其池曰其
○日月池縣名曰迎日
○輿地勝覽止此

榮陽公遺稿

五言律詩

石竹花

佔畢齋金先生曰刻燭占韻而賦有大閨誦此詩睿王

曰非狗監何以知相如之尙在耶卽令補玉堂

青邱雅

世愛牧丹紅栽培滿院中誰知荒草野亦有好花叢色透村塘

月香傳隴樹風地偏公子少嬌態屬田翁

青邱風雅註曰所以此亦可謂之四十

字也

高麗李仁老曰東館是蓬萊山玉堂號鰲頂皆神仙之

職本朝舊制雖天子莫得擅其升黜苟有缺必須禁署
諸儒薦引然後用之非有三多之譽七步之才則世皆
謂之處必未免血指汗顏之誚唐王時江南措大鄭襲
明抱奇才偉量涉世無津嘗賦石竹花云云時大閣謫
此詩達宸聰上曰非狗監何以知相如之尚在耶卽令
補玉堂後入樞掖居喉舌受遺輔主譽譽有王臣風噫
風雲際會古人謂之千載今觀公唯以一篇見知不煩
夢卜自然而合明良相值豈偶然哉

岐陽集

七言絕句

贈妓

百花叢裡淡丰容忽被狂風減却紅
獼隨未能醫玉頰五陵公

子恨無窮

青邱得白雅計曰吳璠和鄧夫入當璠舞知多左傷鄧頰

赤點
益如
其妍

李仁老曰南州樂籍有倡色藝俱絕有一郡守忘其名
屬意甚厚及瓜將返轅忽大醉謂傍人曰若我去郡數
步輒爲他人所有即以蠟炬燒灼其兩頰無完肌後滎
陽公鄭襲明仗節來過見其妓悵怏不已出一幅雲藍
手寫一絕贈之云云因囑若有使華來過宜出此詩示
之妓謹依其教凡見者輒加賙恤欲使滎陽公聞之因
得其利富倍於初

破閑集

十日欲招咸尙書同飲聞其仙去有感

十日秋香未必衰登高意欲共傾卮舊遊伴侶今無在獨有黃

花尙滿籬

表箋

謝左正言知製誥表

久依禁闥訖無塵露之裨擢置諫垣重荷乾坤之施恩榮不世
偃僂難安

中謝

竊以上之聰明在於納忠國之安危關乎論相

故調燮陰陽進退賢否使百僚稱職四海無虞者謂之相業而
面折廷爭舉直措枉使羣邪自屏衆正咸伸者謂之諫官斯二
者苟得其人則天下可運於掌臣起跡畎畝遭時休明三釜逮
親慕古人之志一麾郡守分外寄之符及代瓜期權除學錄未
周一歲得預仕途諷寺人孟子之詩秉董狐良史之筆誅姦諛
於已死敢憚直書依日月之末光媿無奇節每承顧問咫尺違
顏不釋險夷東西惟命由愚有不移之性故責在可黜之途敢
圖綸綍之華忽被草茅之賤以後居上使卑踰尊追汲黯周昌
於明庭薰藥石之苦口對阿衡傳說於密席味鹽梅於大羹自

惟何人乃辱斯舉此盖兆於變化生而神明爲仁不病於博施
用智必求其先務念鴟鴞之無毀室脩明政刑寬有苗之不即
工誕敷文德邪說誣民者族無赦至誠許國者愚必庸乃錄孤
寒俾叅清要念臣與世謬悠而不偶行年四十而無聞粗能閱
習詩書頗識古今理亂商周之興也在乎善其亾也惡聞己過
秦漢之盛也在得賢其衰也尊用讒夫切嘗以往知來不覺痛
心流涕今則明主勵精求理庶官同寅協恭然而太平未臻衆
弊俱會災祥發見於天象寇賊割據於貳都意謂禍變之生將
啓延昌之祚如臣頑鈍乃越品流榮遇非常論報何所唯有心
可啓以沃但爲主死且無辭陛下若殖貨利比頑嚚則臣進處
榮顯豈無所愧如審賞罰明黜陟則臣退廢山林適足爲榮不
敢飾言誓殫忠告